

**REUNIÓN DA COMISIÓN 5ª, SANIDADE,
POLÍTICA SOCIAL E EMPREGO**

Día: 17.10.2018 Hora: 10:30

A Comisión 5ª, Sanidade, Política Social e Emprego, da que vostede forma parte, reunirse o próximo día 17 de outubro de 2018, ás 10:30 horas, no pazo do Parlamento.

A orde do día é a seguinte :

Punto único. Proposicións non de lei

- 1.1 24943 (10/PNC-001953)
Grupo Parlamentario do Bloque Nacionalista Galego
Prado Cores, María Montserrat e 5 máis
Sobre a situación das listas de espera e a derivación de pacientes no Sergas
Publicación da iniciativa, BOPG n.º 255, do 07.02.2018
- 1.2 26566 (10/PNC-002046)
Grupo Parlamentario de En Marea
Solla Fernández, Eva
Sobre as actuacións que debe levar a cabo o Goberno galego en relación coas condicións laborais do persoal dos puntos de atención continuada do Sergas
Publicación da iniciativa, BOPG n.º 267, do 27.02.2018
- 1.3 27385 (10/PNC-002121)
Grupo Parlamentario dos Socialistas de Galicia
Torrado Quintela, Julio e 2 máis
Sobre as medidas que debe introducir o Goberno galego na vindeira lexislación sobre o xogo en Galicia, así como a elaboración e publicación na páxina web da consellaría correspondente dun informe referido á súa situación actual na comunidade autónoma
Publicación da iniciativa, BOPG n.º 276, do 14.03.2018
- 1.4 36862 (10/PNC-002972)
Grupo Parlamentario do Bloque Nacionalista Galego
Rivas Cruz, José Luis e 5 máis
Sobre a adopción pola Xunta de Galicia das medidas orzamentarias necesarias para a posta en funcionamento do centro público de día de Miño o máis axiña posible
Publicación da iniciativa, BOPG n.º 362, do 26.09.2018
- 1.5 37032 (10/PNC-002983)
Grupo Parlamentario de En Marea
Vázquez Verao, Paula e Villares Naveira, Luis
Sobre o impulso polo Goberno galego da residencia para persoas

maiores no barrio da Residencia, na cidade de Lugo, para a súa posta en funcionamento, con 120 prazas publicas, antes do remate da X lexislatura

Publicación da iniciativa, BOPG n.º 362, do 26.09.2018

- 1.6 37041 (10/PNC-002985)
Grupo Parlamentario dos Socialistas de Galicia
Blanco Rodríguez, Noela e 2 máis
Sobre o mantemento pola Xunta de Galicia da calidade asistencial no Centro de Saúde de Rubiá, na provincia de Ourense, garantindo a permanencia das dúas prazas de facultativo
Publicación da iniciativa, BOPG n.º 362, do 26.09.2018

Os grupos parlamentarios poderán presentar emendas ás proposicións non de lei ata seis horas antes do inicio da sesión, ao abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 9 de outubro de 2018

Marta María Rodríguez-Vispo Rodríguez

Presidenta da Comisión

RELACIÓN DE MEMBROS DE COMISIÓN 5ª, SANIDADE, POLÍTICA SOCIAL E EMPREGO

POR ORDE ALFABÉTICA

Mesa

| | |
|---------------------------------------|-----|
| Presidenta | |
| Marta María Rodríguez-Vispo Rodríguez | P |
| Vicepresidente | |
| Miguel Ángel Tellado Filgueira | P |
| Secretaria | |
| María Montserrat Prado Cores | BNG |

Vogais

| | |
|-------------------------------|----|
| María Encarnación Amigo Díaz | P |
| Noela Blanco Rodríguez | S |
| María Ángeles García Míguez | P |
| Aurelio Alfonso Núñez Centeno | P |
| Marta Rodríguez Arias | P |
| María Soraya Salorio Porral | P |
| Eva Solla Fernández | EM |
| Julio Torrado Quintela | S |
| Paula Vázquez Verao | EM |

Reunión da Comisión 5ª, Sanidade, Política Social e Emprego

Día: 17.10.2018

Hora: 10:30

Orde do día

1. Proposicións non de lei

Reunión da Comisión 5ª, Sanidade, Política Social e Emprego

Día: 17.10.2018

Hora: 10:30

Orde do día

1.1 24943(10/PNC-001953)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre a situación das listas de espera e a derivación de
pacientes no Sergas

Publicación da iniciativa, 255, 07.02.2018



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 01/02/2018 18:26
Nº Rexistro: 24943
Data envío: 01/02/2018 18:26:21.271

Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Montserrat Prado Cores, Luis Bará Torres, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 5ª**, relativa á situación das listas de espera e derivación de doentes no Sergas.

EXPOSICIÓN DE MOTIVOS

O PP no Goberno da Xunta está a practicar unha política de recortes e demolición da sanidade pública. A través do seu deterioro, a base de ter abandonadas ás infraestruturas, falta de recursos humanos e materiais... e así ter a desculpa para privatizar os servizos e derivar doentes á sanidade privada.

E para iso aprobaron a Lei de Garantías de Prestacións Sanitarias no ano 2013 e agora o decreto que a desenvolve. Cuns tempos de espera incumpríbeis, para precisamente dar cobertura legal ao auténtico obxectivo da mesma: derivar o máximo volume de recursos públicos para o financiamento da sanidade privada, para facilitarlle o máximo negocio.

A derivación de doentes da sanidade pública de Galiza a centros privados, ven sendo unha constante, mais esta práctica non fai máis que aumentar.

Establecer uns tempos de espera de 60 días para operacións cirúrxicas e 45 para consultas e probas diagnósticas, tempos que son imposíbeis de cumprir na actual situación na que ten o Partido Popular á sanidade pública.

Está claro que as derivación á privada non son para eliminar as lista de espera, xa que estas non diminúen, senón que as listas de espera son a coartada para derivar á privada.

A preocupación está sendo moi elevada entre @s doentes, que ven como son eliminad@s das mesmas se non aceptan ser derivad@s e esixen sen atendidos na rede pública, e entre profesionais que observan cada día como se deixan de realizar intervencións de moitas especialidades na sanidade pública que se derivan sistematicamente á privada.

Todo isto rodeado de escurantismo e opacidade arredor dos datos tanto das listas de espera como das derivacións.

Por todas estas razóns, o Grupo Parlamentar do Bloque Nacionalista Galego presenta a seguinte proposición non de lei para o seu debate na Comisión 5ª:

“O Parlamento de Galiza insta ao Goberno galego a:

-Facer públicas de inmediato a totalidade das listas de espera do Sergas, tanto estruturais como non estruturais.

-Ter operativos todos os recursos dos que dispón o Sergas, camas, quirófanos...e non realizar ningunha derivación de doentes á sanidade privada mentres existan recursos dispoñíbeis, susceptíbeis de ser usados nos centros públicos.



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 01/02/2018 18:26
Nº Rexistro: 24943

Data envío: 01/02/2018 18:26:21.271

-Rematar de inmediato coa práctica de sacar da lista de espera estrutural aos doentes que rexeiten ser derivados a centros privados ou a outros centros hospitalarios diferentes ao seu de referencia para ser atendidos das súas patoloxías, ou non ter aceptado unha data para ser atendid@s, por ser incompatíbel con outras obrigas.

-Restituír ás listas de espera estruturais a tod@s @s doentes eliminad@s das mesmas por non aceptar ser derivados a centros privados, a outros centros hospitalarios diferentes ao seu de referencia, ou non ter aceptado unha data para ser atendid@s, por ser incompatíbel con outras obrigas.

-Presentar no Parlamento galego, no prazo máximo de dous meses, un informe coas derivacións realizadas polo Sergas á centros privados nos últimos cinco anos, desglosadas as mesmas por centro hospitalario e por especialidades, tanto cirúrxicas como de probas diagnósticas.

-Poñer en marcha un plan de choque, cos orzamentos precisos, para eliminar as listas de espera na rede pública.”

Santiago de Compostela, 1 de febreiro de 2018

Asdo.: **Montserrat Prado Cores**

Noa Presas Bergantiños

Olalla Rodil Fernández

Xosé Luis Rivas Cruz

Luis Bará Torres

Deputadas e deputados do G.P. do BNG



BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 01/02/2018 18:26
Nº Rexistro: 24943

Data envío: 01/02/2018 18:26:21.271

Ana Pontón Mondelo

Portavoz do G.P. do BNG

Asinado dixitalmente por:

María Montserrat Prado Cores na data 01/02/2018 18:25:01

Xose Luis Rivas Cruz na data 01/02/2018 18:25:07

Olalla Rodil Fernández na data 01/02/2018 18:25:08

Noa Presas Bergantiños na data 01/02/2018 18:25:09

Xosé Luis Bará Torres na data 01/02/2018 18:25:11

Ana Pontón Mondelo na data 01/02/2018 18:25:16

Reunión da Comisión 5ª, Sanidade, Política Social e Emprego

Día: 17.10.2018

Hora: 10:30

Orde do día

1.2 26566(10/PNC-002046)

Grupo Parlamentario de En Marea

Solla Fernández, Eva

Sobre as actuacións que debe levar a cabo o Goberno galego en relación coas condicións laborais do persoal dos puntos de atención continuada do Sergas

Publicación da iniciativa, 267, 27.02.2018

Á MESA DO PARLAMENTO

O Grupo Parlamentar de **En Marea**, por iniciativa da súa deputada **Eva Solla Fernández** e ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 5.ª**.

Exposición de motivos

A Atención Urxente Extra hospitalaria en Galicia, foi regulada polo Decreto 172/1995 do 18 de Maio, coa creación dos Puntos de Atención Continuada e modificado parcialmente polo Decreto 156/2005. Neste sentido, mediante a Orde de 4 de xuño de 2008 (DOG núm. 115 do 16 de xuño de 2008) acórdase regular a provisión de postos de traballo, xornada, retribucións e condicións de traballo do persoal médico e de enfermería dos Puntos de Atención Continuada.

Pero a pesares da normativa mencionada, moitos dos dereitos acadados nunca chegaron a ser aplicados por parte da Xunta de Galicia, atopándose o persoal en condicións precarias que aumentan de éxito proporcional cos recortes na sanidade pública, agravando a situación, tanto en recursos humanos e materiais como en retribucións e presión asistencial, especialmente dende a creación das Estruturas Organizativas de Xestión Integrada.

Por todo o anterior, o Grupo Parlamentario de En Marea presenta a seguinte Proposición non de Lei:

O Parlamento de Galicia insta á Xunta de Galicia a:

- Dotar todos os PACs dun equipo completo de facultativos de medicina e enfermería, así como establecer criterios obxectivos para a dotación do



persoal dos PACs con base na carga asistencia, dispersión, distribución, distancia do hospital e número de mobilizacións polo 061, de forma que garanta o dereito asistencial.

- Respectar o recollido nas directivas europeas sobre os tempos de traballo do persoal, así como non aumentar a xornada laboral efectiva de 1451 horas actuais, sendo calquera exceso de xornada voluntario, incentivado e por tramos.
- Eliminar a avaliación de derivación hospitalaria das listas de obxectivos, seguindo sempre criterios que sexan estritamente médicos.
- Facer un cómputo axeitado de Incapacidades temporada e permisos retribuídos.
- Contabilizar como xornada laboral as asistencias ás reunións convocadas dende as xerencias.
- Aboar as dietas de domingos e festivos tanto pola comida como pola cea.
- Elaborar os calendarios de quendas dando prioridade ao persoal propio do PAC, ocupando o persoal voluntario os ocos.
- Dotar a todo o persoal, tamén ao persoal en formación ou eventual, de Equipos de Protección Individual.
- Garantir un circuíto de lavado para a roupa de traballo que permita recollela a tempo evitando o seu extravío e que o persoal non teña que lavala no seu domicilio.

Santiago de Compostela, 20 de febreiro de 2018.

Asdo.: Eva Solla Fernández,

Asdo.: Luís Villares Naveira

Deputada do G.P. de En Marea.

Voceiro do G.P. de En Marea.



PARLAMENTO DE GALICIA
REXISTRO XERAL ENTRADA
Data asento: 20/02/2018 18:16
Nº Rexistro: 26566
Data envío: 20/02/2018 18:16:31.193

Asinado dixitalmente por:

Eva Solla Fernández na data 20/02/2018 18:15:00

Luis Villares Naveira na data 20/02/2018 18:15:10

Reunión da Comisión 5ª, Sanidade, Política Social e Emprego

Día: 17.10.2018

Hora: 10:30

Orde do día

1.3 27385(10/PNC-002121)

Grupo Parlamentario dos Socialistas de Galicia

Torrado Quintela, Julio e 2 máis

Sobre as medidas que debe introducir o Goberno galego na vindeira lexislación sobre o xogo en Galicia, así como a elaboración e publicación na páxina web da consellaría correspondente dun informe referido á súa situación actual na comunidade autónoma

Publicación da iniciativa, 276, 14.03.2018



PARLAMENTO DE GALICIA
REGISTRO XERAL ENTRADA
Data asento: 06/03/2018 16:30
Nº Rexistro: 27385
Data envío: 06/03/2018 16:22:13.996



 Grupo Parlamentario

Á Mesa do Parlamento

Partido dos
Socialistas
de Galicia

O **Grupo Parlamentario dos Socialistas de Galicia**, por iniciativa dos seus deputados e da súa deputada **Julio Torrado Quintela, Juan Manuel Díaz Villoslada e Noela Blanco Rodríguez**, a través do seu portavoz, e ao abeiro do disposto no artigo 160 do Regulamento da Cámara, presenta a seguinte **proposición non de lei** para o seu debate en **Comisión 5.^a, Sanidade, Política Social e Emprego**.

Exposición de motivos

Dende a Xunta de Galicia véñse afirmando recentemente a necesidade dunha reforma da lexislación referente ao xogo en Galicia, actualizando as normativas existentes (autonómica en 1985 e a estatal máis recente promovida en 2011 polo Goberno de José Luis Rodríguez Zapatero). A existencia de novos formatos, como o xogo online, e a tolerancia social desenvolvida ao redor dun problema de gravidade que aínda non é percibido socialmente como tal, fan necesaria unha aposta decidida por regular o sector de forma rigorosa e por potenciar, de maneira específica, as vertentes referidas a promoción de xogo responsable, prevención de condutas aditivas e o plano asistencial para as persoas afectadas e/ou rehabilitadas.

Na actualidade, a asociación das cuestións do eido sanitario relativas ao xogo céntranse no aspecto asistencial, e de maneira máis tibia do que sería necesario. A importancia fundamental do sector tense en conta dende puntos de vista fiscal e tributario, pero non se atende correctamente por parte da administración as cuestións de prevención de condutas aditivas e asistenciais. Resulta necesario elevar a dotación orzamentaria dedicada a prevención e tratamento de condutas aditivas, non en tanto todas as suxestións que se veñen facendo vía emendas aos orzamentos da comunidade autónoma son sistematicamente rexeitadas pola maioría que sustenta ao goberno autonómico, impedindo que estas partidas puideran promover maior e mellor atención ás persoas afectadas.

No mesmo sentido, debera ser asumido que unha das cuestións máis importantes no tratamento do xogo dende a perspectiva de conduta



 Grupo Parlamentario

Partido dos
Socialistas
de Galicia

aditiva está na tolerancia social existente, como así apunta o coñecemento existente froito da investigación e o traballo dos expertos. Estas ideas derivan na necesidade de afrontar unha perspectiva pedagóxica que hoxe en día non está a existir, e que debера ter especial incidencia nos colectivos máis mozos, pois a idade de inicio de condutas de xogo está a diminuír preocupantemente. Na actualidade, recentes estudos sinalan como franxa de idade de maior condutas ao redor do xogo en torno ao grupo de 18 a 25 anos, cando hai apenas 5 anos se situaba na franxa dos 35 aos 40 anos. A irrupción do xogo online, a aparición de maiores medios e plataformas, tanto virtuais como online, a facilidade de acceso non controlado e outras cuestións relativas ao baixo control existente favorecen que o problema actual teña unha gravidade elevada e crecente.

Dadas estas cuestións, todo apunta á necesidade de focalizar maior atención e compromiso nas políticas de prevención de condutas aditivas en torno ao xogo e asistencia sobre xogo patolóxico, cuestións que ademais deberan ser especificamente atendidas coa importancia que se merecen nas vindeiras modificacións legais correspondentes.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a:

1. Incorporar na vindeira lexislación sobre xogo en Galicia propostas e medidas destinadas a campañas de prevención e accións de sensibilización ante as condutas aditivas relacionadas co xogo. Para o desenvolvemento destas propostas e medidas se destinará a dotación orzamentaria correspondente.



PARLAMENTO DE GALICIA
REGISTRO XERAL ENTRADA
Data asento: 06/03/2018 16:30
Nº Registro: 27385
Data envío: 06/03/2018 16:22:13.996



 [Grupo Parlamentario](#)

Partido dos
Socialistas
de Galicia

2. Elaborar un informe da situación actual do xogo en Galicia dende o punto de vista da prevención e a asistencia ás persoas afectadas, así como do efecto das políticas públicas que contemple as medidas que foron máis efectivas, as que poden ser melloradas e a suxestión de expertos de cara a futuras modificacións e implementacións. Este informe será publicado na páxina web da consellería.

Pazo do Parlamento, 6 de marzo de 2018

Asinado dixitalmente por:

Julio Torrado Quintela na data 06/03/2018 16:17:17

Juan Manuel Díaz Villoslada na data 06/03/2018 16:17:40

Noela Blanco Rodríguez na data 06/03/2018 16:17:46

Xoaquín María Fernández Leiceaga na data 06/03/2018 16:17:51

Reunión da Comisión 5ª, Sanidade, Política Social e Emprego

Día: 17.10.2018

Hora: 10:30

Orde do día

1.4 36862(10/PNC-002972)

Grupo Parlamentario do Bloque Nacionalista Galego

Rivas Cruz, José Luis e 5 máis

Sobre a adopción pola Xunta de Galicia das medidas orzamentarias necesarias para a posta en funcionamento do centro público de día de Miño o máis axiña posible

Publicación da iniciativa, 362, 26.09.2018



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 17/09/2018 10:44
Nº Rexistro: 36862
Data envío: 17/09/2018 10:44:30.385

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Xosé Luis Rivas Cruz, Montserrat Prado Cores, Luis Bará Torres, Ana Pontón Mondelo, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 5ª**.

EXPOSICIÓN DE MOTIVOS

O concello de Miño non ten actualmente ningún centro de día público aberto, ao igual que carece deste equipamento público toda a comarca das Mariñas que non conta tampouco con ningún xeriátrico público en ningún dos concellos da comarca.

Con fondos do Plan E foi habilitado un local para centro de día na Regueira, en Miño, que custou no ano 2009, 428.000 euros para a reforma do edificio e 52.000 euros na compra de equipamento. O edificio que se habilitou para este fin é o pazo que a Fundación Rita Ramos posúe na Regueira, un inmovible que a Igrexa cedeu de forma parcial por un período de 50 anos xunto coa leira anexa, segundo se recolle nun convenio asinado en xaneiro de 2009. O Concello destinou ademais fondos de varios talleres de emprego subvencionados pola Xunta a habilitar a primeira fase do denominado Parque das Idades.



BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 17/09/2018 10:44
Nº Rexistro: 36862

Data envío: 17/09/2018 10:44:30.385

En innumerábeis ocasións a Xunta anunciou en diferentes campañas electorais a inminente apertura deste Centro de día que o certo é que a día de hoxe segue pechado.

No ano 2011 en plena campaña das municipais, o PP anunciou por primeira vez a apertura deste centro de día, anuncio que se repetiu no 2015, xusto antes dunhas novas eleccións municipais. Nese momento a consellería de Benestar comprometía 30 prazas e 330 mil euros anuais para o mantemento. Este gasto non chegou nunca a ter reflexo nos orzamentos da Xunta a pesar das emendas que dende o BNG vimos presentando nos últimos anos.

En decembro do pasado ano 2017, o concello de Miño anunciou publicamente que estaba efectuando reformas neste edificio por requirimento da Xunta para proceder a abrir o centro de día, cun retraso xa naquel momento de 8 anos. Neste anuncio o goberno local, do que fai parte o PP, afirmaba que “o proxecto, que ofrecerá quince prazas, está avanzado porque hai ata empresa adjudicataria do servizo e estaba ata recolleita unha partida económica nos orzamentos municipais deste ano para o seu mantemento, xa que se estima que o prezo do servizo serán 7.500 euros ao ano que sufragarán, entre a Xunta, o Concello e os usuarios”. Aseguraban naquel momento que o centro de día estaría aberto no primeiro trimestre deste ano.

Estamos no mes de setembro encarando xa o remate do ano e o centro de día de Miño continúa pechado.



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 17/09/2018 10:44
Nº Rexistro: 36862

Data envío: 17/09/2018 10:44:30.385

Por todo o anteriormente, o Grupo Parlamentar do BNG presenta a seguinte proposición non de lei para debate na Comisión 5ª:

“O Parlamento galego insta á Xunta a tomar as medidas orzamentarias necesarias para que o centro de día público de Miño sexa unha realidade na maior brevidade.”

Santiago de Compostela, 17 de setembro de 2018

Asdo.: **Xosé Luis Rivas Cruz**

Montserrat Prado Cores

Noa Presas Bergantiños

Olalla Rodil Fernández

Luis Bará Torres

Deputadas e deputados do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

Xosé Luis Rivas Cruz na data 17/09/2018 10:40:32



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 17/09/2018 10:44
Nº Registro: 36862

Data envío: 17/09/2018 10:44:30.385

María Montserrat Prado Cores na data 17/09/2018 10:40:38

Ana Pontón Mondelo na data 17/09/2018 10:40:40

Olalla Rodil Fernández na data 17/09/2018 10:40:42

Noa Presas Bergantiños na data 17/09/2018 10:40:43

Xosé Luis Bará Torres na data 17/09/2018 10:40:45

Reunión da Comisión 5ª, Sanidade, Política Social e Emprego

Día: 17.10.2018

Hora: 10:30

Orde do día

1.5 37032(10/PNC-002983)

Grupo Parlamentario de En Marea

Vázquez Verao, Paula e Villares Naveira, Luis

Sobre o impulso polo Goberno galego da residencia para persoas maiores no barrio da Residencia, na cidade de Lugo, para a súa posta en funcionamento, con 120 prazas públicas, antes do remate da X lexislatura

Publicación da iniciativa, 362, 26.09.2018

Á MESA DO PARLAMENTO

O Grupo Parlamentar de **En Marea**, por iniciativa da súa deputada **Paula Vázquez Verao** e do seu deputado **Luís Villares Naveira**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate na Comisión 5ª**.

EXPOSICIÓN DE MOTIVOS

Alberto Núñez Feijóo prometeu, no discurso de investidura da Xª Lexislatura, a realización de residencias de maiores nas sete cidades.

En febreiro de 2017, o propio Presidente anuncia como “obxectivo de lexislatura” por parte da Xunta a construción de sete residencias de maiores públicas nas sete cidades galegas, cun total de 900 prazas, indicando que suporán uns 47 millóns de euros de investimento, no marco do chamado “Plan Coma na Casa”.

Nos Orzamentos da Xunta para 2018 o “Plan Coma na Casa” unicamente contou con 700.000 €, apenas o 1,5 % do total do proxecto. Asemade, para 2019 só se prevén 8 millóns de euros.

En setembro de 2018 ningún dos proxectos está en marcha e só está asinado o convenio de colaboración entre Xunta e Concello de Santiago para a residencia de Fontiñas.

No que ten que ver coa cidade de Lugo, Feijóo anunciou que a futura residencia tería 120 prazas e 75 postos de traballo, cun investimento de 6 millóns de euros, estando, en principio, por decidir se se faría na parcela Montirón ou no barrio da Residencia. Finalmente, o mércores 19 de xullo de 2017 asinou o convenio de cesión dos terreos do antigo Hospital Xeral a Xunta e esta presentou un proxecto



de 21 millóns de euros para a dinamización do barrio da Residencia, incluíndo neste a residencia de maiores de 120 prazas para Lugo.

Para poder acometer este proxecto era preciso modificar os acordos previos entre Xunta e Estado polos cales o edificio do hospital quedara adscrito ao Sergas, aínda sendo da Seguridade Social, e segundo os cales a Xunta tería que facer una retrocesión patrimonial a prol do Estado de querer instalar no recinto equipamentos públicos non sanitarios, para que o Estado os volveuse ceder para novos usos.

O inicio destes trámites comezou o 19 de xullo, sendo o 25 de xaneiro de 2018 autorizada a retrocesión do Pavillón Xeral por parte do Consello da Xunta e o 8 de marzo o Pavillón Administrativo. O 2 de maio deste ano a Consellería de Facenda formalizou un contrato cun estudio de arquitectura para a redacción dun proxecto básico para execución das obras de rehabilitación da nova oficina de emprego.

Pese a estes trámites, o 31 de maio de 2018 o Consello da Xunta acordou deixar sen efecto os acordos do 25 de xaneiro e do 8 de marzo, acordo que non foi divulgado. Alegou posteriormente a Xunta que isto se fixo a instancias do Goberno central para, supostamente, realizar máis adiante unha retrocesión global do complexo.

Con esta decisión da Xunta non se pode seguir adiante coas partes do proxecto que impliquen un uso non sanitario, como é o caso da residencia de maiores.

As prazas públicas en residencias de maiores nas sete cidades galegas son manifestamente insuficientes e as perspectivas demográficas farán que a demanda deste tipo de servizo aumente.

No Concello de Lugo só hai dúas residencias públicas de maiores – A Milagrosa e As Gándaras – con 272 prazas en total. En total, tendo en conta as prazas



públicas, concertadas e privadas, no Concello de Lugo hai 795 prazas en residencias de maiores, a maioría en centros privados.

En 2017, a poboación de Lugo maior de 65 anos eran 20.584 persoas. De seguir as taxas recomendadas pola OMS (5 de prazas en residencias por cada 100 persoas maiores de 65 anos), no Concello de Lugo debería haber 1.030 prazas en residencias de maiores, fronte á taxa de cobertura de 3,8% que hai actualmente. Asemade, as prazas da capital serían demandadas por persoas da contorna cuxa familia viva en Lugo cidade.

O proxecto de revitalización do barrio da Residencia é fundamental para recuperar a vida deste barrio degradado dende 2011 e para dotar Lugo de servizos sociosanitarios básicos dos que ten un grave déficit, dende escolas infantís a prazas públicas de residencia de maiores, así como infraestruturas sanitarias.

Polo exposto, o Grupo Parlamentar de En Marea presenta a seguinte Proposición non de lei:

O Parlamento galego insta á Xunta de Galicia a impulsar, sen demora, a residencia de maiores no barrio da Residencia de Lugo, con 120 prazas públicas, para estar en funcionamento antes de remate da Xª Lexislatura.

Santiago de Compostela, 18 de setembro de 2018.

Asdo.: Paula Vázquez Verao

Luís Villares Naveira

Deputada e voceiro do G.P. de En Marea



PARLAMENTO DE GALICIA
REGISTRO XERAL ENTRADA
Data asento: 18/09/2018 17:47
Nº Rexistro: 37032
Data envío: 18/09/2018 17:47:08.076

Asinado dixitalmente por:

Paula Vázquez Verao na data 18/09/2018 17:45:05

Luis Villares Naveira na data 18/09/2018 17:45:12

Reunión da Comisión 5ª, Sanidade, Política Social e Emprego

Día: 17.10.2018

Hora: 10:30

Orde do día

1.6 37041(10/PNC-002985)

Grupo Parlamentario dos Socialistas de Galicia

Blanco Rodríguez, Noela e 2 máis

Sobre o mantemento pola Xunta de Galicia da calidade asistencial no Centro de Saúde de Rubiá, na provincia de Ourense, garantindo a permanencia das dúas prazas de facultativo

Publicación da iniciativa, 362, 26.09.2018



Á Mesa do Parlamento

O **Grupo Parlamentario dos Socialistas de Galicia**, por iniciativa da súa deputada e dos seus deputados **Noela Blanco Rodríguez, Raúl Fernández Fernández e Julio Torrado Quintela**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Comisión 5.ª, Sanidade, Política Social e Emprego**.

Exposición de motivos

A concepción da Atención Primaria como porta de entrada do Sistema sanitario supón, máis alá dun termo amplamente mencionado, unha concepción do sistema non focalizado na atención hospitalaria e que permita estender e descentralizar o contacto das persoas coa sanidade, de forma que se achegue máis ao territorio e, por tanto, estea máis próxima.

Unha Atención Primaria fortalecida supón unha maior capacidade de funcionamento da rede de hospitais, que ven menos saturadas as súas propias dinámicas de funcionamento, dende a redución de entradas en urxencias ata a optimización de tempos e de diminución de listas de espera.

O envellecemento da poboación e o aumento da cronicidade supoñen un dos problemas esenciais que ten que afrontar o Sistema público de saúde. No caso de Galicia, estas cuestións aumentan a súa relevancia debido ás propias condicións demográficas en termos de idade, e condicionadas tamén pola dispersión da poboación e as dificultades de infraestruturas e redes de comunicación na Galicia rural. O fortalecemento da atención primaria nestes casos supón unha necesidade maior e case imperativa para poder achegar os servizos sanitarios á poboación, tanto en termos de infraestruturas como de persoal.

Dende a chegada ao Goberno de Núñez Feijoo en 2009 o Sistema público de saúde soamente ten contratado de maneira estable a, aproximadamente, un 15 % facultativos de Atención Primaria dos que



 Grupo Parlamentario

Partido dos
Socialistas
de Galicia

se producen en Galicia, segundo os datos do propio Goberno. Unha cifra tan baixa resulta a todas luces insuficiente para cubrir as necesidades dun sistema que precisa unha dispersión notoria e unha forte implantación no territorio, para paliar os problemas demográficos antes sinalados. Unha maior contratación suporía a posibilidade de non ter que concentrar servizos, afastando a atención dos e das cidadáns. A vontade recortadora do Goberno da Xunta de Galicia prexudica claramente a calidade asistencial do sistema, ao deixar con capacidade mínima, ou por debaixo dela, a moitos centros que non teñen persoal suficiente, que deben de deixar centros sen atención porque os profesionais teñen que saír a cubrir urxencias ou pola saturación dos existentes a causa dunha errática planificación.

Nestes últimos anos o Goberno galego está a reducir de persoal nos centros de atención Primaria na nosa comunidade autónoma, sobre todo nos concellos do rural, a través da non substitución de baixas por enfermidade, ou a amortización de prazas.

Na provincia de Ourense son moitos os exemplos desta vontade recortadora en materia sanitaria do Goberno galego, ao que segundo as informacións que dende o Grupo Parlamentario Socialista coñecemos recentemente, teremos que engadir un novo no centro de saúde de Rubiá. Neste centro traballaban ata o de agora dous médicos, trala xubilación dun deles no mes de agosto, a Xunta de Galicia decidiu que a partires dese momento soamente preste este servizo unha persoa, amortizando a outra praza, o que xerará unha perda de calidade no servizo provocada por unha sobrecarga de traballo, e merma na atención aos pacientes polo xustifico número de citas, extracción para analíticas, urxencias en horario de mañá, e atención domiciliaria nun concello cunha elevada dispersión da poboación que segundo datos do IGE do ano 2017 contaba con 1.462 habitantes, o 41 % dos cales teñen máis de 65 anos.



PARLAMENTO DE GALICIA
REXISTRO XERAL ENTRADA
Data asento: 18/09/2018 17:54
Nº Rexistro: 37041
Data envío: 18/09/2018 17:54:36.193



 Grupo Parlamentario

Partido dos
Socialistas
de Galicia

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a manter a calidade no servizo que se presta no Centro de Saúde de Rubiá (Ourense), garantindo a permanencia das dúas prazas de médicos.

Pazo do Parlamento, 18 de setembro de 2018

Asdo.: Noela Blanco Rodríguez
Raúl Fernández Fernández
Julio Torrado Quintela
Deputada e deputados do G.P. dos Socialistas de Galicia

Asdo.: Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:

Noela Blanco Rodríguez na data 18/09/2018 17:52:22

Raúl Fernández Fernández na data 18/09/2018 17:52:29

Julio Torrado Quintela na data 18/09/2018 17:52:34

Xoaquín María Fernández Leiceaga na data 18/09/2018 17:52:39